

Inatsisartut suleriaasianni § 33, imm. 6, nr. 4 naapertorlugu matumuunakkut tulliuuttumi taaneqartumik Naalakkersuisut aalajangiiffigisassatut siunnersuuteqarput:

Geodatastyrelse pillugu Inatsisip atuutilersinneqarnissaanik Kunnigip peqqussutaa, Inatsit nr. 1392 23/12/2012-imeersoq (Danmarkip maanna siunissamilu Kalaallit Nunaata nunataa pillugu tunngaviusumik paasissutissaataasa ammaanpeqarnerat) **inatsisip atuutsinneqalernissaanut Inatsisartut aalajangiiffigisassaannut siunnersuut**

(Aningaasaqarnermut Aatsitassanullu Naalakkersuisoq)

Siullermeerneqarnera

Paasissutissat tunngaviusut ammaanpeqarnerannut siunertaavoq paasissutissat kikkunnit tamanit pissarsiarineqarsinnaanngornissaat, taamalu inunnut suliffeqarfinnullu akeqannigsumik siammarterneqartarnissaat. Nunanit allanit misilittakkat erseqqissumik takutippaat tunngaviusumik paasissutissat ajornannginnerusumik pissarsiarineqarsinnaanerat inuiaqatigiinnut malunnaatilimmik iluaqutaanerulersartut aamma ineriartornissamut periarfissat nutaat pilersinneqartartut.

Aamma paasissutissanik tunngaviusunik atuisinnaatitaanerup ammaanpeqarneratigut sullissisarnerup pisariinnerulersinneqarnissaa siunertaavoq. Taamaalilluni kikkut tamarmik Geodatastyrelsimit akuersissummik pissarsiniaqqaaratik paasissutissanik takunnissinnaalerlutillu atuisinnaalissapput.

Siunnersuutip imarisaa

Nunat assingi aamma Matrikelstyrelse pillugit Inatsit nr. 749, 7. december 1988-imeersoq naapertorlugu Geodatastyrelse ilaatigut Kalaallit Nunaanni nunat ilusaasa assinginik tunniussinissamut oqartussaallunilu akisussaasuvoq. (Illoqarfiit nunaqarfiillu assiliorneri GTO-qarallarmalli Kalaallit Nunaata akisussaaffigilernikuuai.)

Maannakkut pissutsit eqqarsaatigalugit tamanna isumaqarpoq, NunaGIS-imi nunaannarmik aqutsineq nunat ilusaasa assinginik Geodatastyrelsimit pigineqartunik atuinikkut pisarpoq.

Ilaatigut sullissisarnerup pisariillisarneqarnissaa aamma innuttaasut suliffeqarfiillu tunngaviusumik paasissutissanik killilersorneqaratik pissarsisarnissaat siunertaralugu pisortat ataatsimoortumik digitaliseeriinermut periusissiornerannut atatillugu Danmarkimi Geodatastyrelsip ulloq 1. januar 2013 nunamut tunngatillugu tunngaviusumik paasissutissaatini ammaappai.

Danmarkip nunataata assinga, Nunaminertat agguarnerisa nalunaarsorsimanagerisa assingi aamma Danmarkip nunanik portussusilersuisarnerat ammaanpeqarput. Inatsimmut tunngaviusup 2012-ip naanerani aalajangiunneqartup allannguuteqarnissaanut tunngaviusoq: Geodatastyrelse pillugu inatsit, Inatsit nr. 1392, 23/12/2012-imeersoq.

Inatsit maannakkorpiaq Kalaallit Nunaannut atuutinngilaq.

Kalaallit Nunaanni nunaannaat pillugit tunngaviumik paasissutissat - nunat ilusaasa assingi annertuut, timmisartumit assilisat. nunanik portussusilersuinerit il. il. – Geodatastyrelsimit pigineqartut ammaanneqanngillat.

Taamaallaat inatsit – kunngip peqqusineratigut – Kalaallit Nunaannut atuutsinneqalerpat Kalaallit Nunaata nunataa pillugu tunngaviumik paasissutissat killeqanngitsumik atorqeqsinnaapput. Tamatuma kingorna miljøministerip aalajangissavaa Geodatastyrelsip paasissutissaataanit sorlerpiaat pisortanit allanit, suliffeqarfinnit innuttaasunillu killeqanngitsumik atorqeqsinnaanersut, paasissutissanillu taakkunanga pissarsiaqsinnaanerup ammaanneqarnissaa.

Danmarkimi ammaassinerup nassataanik nunat pillugit tunngaviumik paasissutissat suliffeqarfinnit aningaasatigut iluanaarniannigitsunit aningaasatigullu iluanaarniartunit tamanit akeqanngitsumik atorqeqsinnaanngussapput. Ilanngullugu:

- Suliffeqarfiit paasissutissanik ajornannginnerusumik pissarsisinnaanngussapput ineriartorsinnaanerallu annertusissalluni
- Pisortat naammassisaqarfiunerusumik ingerlatsisinnaanngussapput aamma
- Innuttaasut ajornannginnerusumik pisortanik suleqateqsinnaanngussapput

Nunap assingisa akeqanngitsumik atorqeqsinnaanerat allamullu ingerlateqqinneqsinnaanerat Kalaallit Nunaannut aningaasaqarnikkut pitsaasumik kinguneqassaaq. Tassunga atatillugu allat pineqartut assersuutigalugu tassaasinnaapput Kalaallit Nunaanni innuttaasut suliffeqarfiillu.

Tunngaviumik paasissutissat ammaanneqarnerisa nassataannik allaffissorneq annikinnerulissaaq, taamalu pingartumik suliffeqarfinni isumalluutit pitsaanerumik atorqealissallutik.

Tassa Geodatastyrelsimit akuersissutinik assigiinngitsunik pissarsiniaqqaartarnerup atorunnaarsinneqarneratigut assinik atuisutut piffissamik atorluaasinnaasoqalissaaq aamma sukkanerumik pisariinnerusumillu sulisinnaasoqalissalluni.

Aningaasatigut kinguneqaataasussat

Nunap assingisa akeqanngitsumik atorqeqsinnaanerat allamullu ingerlateqqinneqsinnaanerat Kalaallit Nunaannut aningaasaqarnikkut pitsaasumik kinguneqassaaq. Tassunga atatillugu allat pineqartut assersuutigalugu tassaasinnaapput Kalaallit Nunaanni innuttaasut suliffeqarfiillu.

Tunngaviumik paasissutissat ammaanneqarnerisa nassataannik allaffissorneq annikinnerulissaaq, taamalu pingartumik suliffeqarfinni isumalluutit pitsaanerumik atorqealissallutik.

Tassa Geodatastyrelsimit akuersissutinik assigiinngitsunik pissarsiniaqqaartarnerup atorunnaarsinneqarneratigut assinik atuisutut piffissamik atorluaasinnaasoqalissaaq aamma sukkanerumik pisariinnerusumillu sulisinnaasoqalissalluni.

Attaveqarneq

Peqqussut saqqummiunneqarpat tusagassiuutinut nalunaarummik nassiussisoqassaaq.

Tusarniaaneq

Missingiut Danmarkip Namminersorlutik Oqartussanut tusarniaassutissatut nassiutereepaa.

Naalackersuisut allaqqitassiaq tusarniaassutigereerpaat. Tusarniaanermi oqaaseqaat aammalu tusarniaassutimut akissuteqarsimasut ilanngusami atuarneqarsinnaapput.